

## 026 細漢我上愛去的所在 //莊雅媚 (bî) (17/04/07thk改寫)

細漢我上愛去的所在，就是庄跤阿公阿媽的厝；佇遐 (hia)，空氣好，風微微仔吹--來，路邊青翠的草仔，不時咧對我搵 (tìm) 頭，樹葉仔親像海面的水湧，輕輕仔搖過來閣搖過去，燒烙 (lō) 的日頭光，照 (tshiō) 佇我的身軀，彼種感覺，實在真爽快。

經過無佹久的時間，阿爸的車，就駛到阿公的厝--矣，小弟仔、小妹仔隨走--出來，歡迎阮一家伙仔，閣佱阮同齊佇大埕走來走去，你掠我，我嘛掠你，耍 (sng) kah真歡喜，大人坐做夥咧泡茶、開講、看報紙...，阿母佱阿母佇灶跤咧攢 (tshuân) 中晝頓；耍忝 (thiám)--矣，嘛枵 (iau)--矣，這時陣，阿母來叫阮食飯；才一喙niâ....，哇！足khiū、足芳--的，庄跤的米，實在真好食，連水果嘛誠甜--呢！

食飯飽，阮佇房間耍牌仔，逐 (tāk) 个攏是高手，一个比一个較厲害，耍kah真刺激，啥人嘛毋認輸；有時陣，阮嘛耍棋子 (jí)，喝 (huah) 聲一陣閣一陣實在真鬧熱。

欲暗仔，阮去大埕騎鐵馬，踢跤球，閣去溪邊欣賞日頭欲落山的光景，滿天的紅霞 (hê)，講有佹媿就有佹媿 (suí) ！

庄跤的暗時，閣較無全款，田蛤仔「嚶！嚶！嚶！」的歌聲佱杜蚓仔「tsut! tsut!」的叫聲，親像挨弦仔低音的演奏，實在真好聽，予阮聽kah沓沓仔 (tāuh-x~) 睏--去。

阿公、阿媽的厝佇庄跤，是我上愛去的所在，逐擺放假，我所想--的，就是趕緊喊 (hiàm) 阿爸佱阿母，tshuā 阮去阿公阿媽的厝，上好閣tuà --幾工矣，按呢，我就心滿意足--矣。  
(約450字) (編號：37 東興國小 莊雅媚)